



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Observationes in Cap. XI. De Sponsalibus, quo verbo significantur
Affidatio, vel Desponsatio, quæ inter Christianos nihil aliud est, quàm
Celebratio Matrimonii.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

esse quasi mercedem operarum Parochi, in procurandis Defuncto omnibus auxiliis spiritualibus, quibus autem morburn, & durante morbo, indiguit; Quotitatem pendere à Consuetudine Locorum, alia enim sunt, in quibus datur semissis eorum, quae data sunt, vel occasione Sepultura, vel pro eâ: alia, in quibus datur triens; alia, in quibus datur quarta; & cum hæc quotitas sit aliis frequenter, Portio Canonica vulgo dicitur *quarta funeraria*. Nomen Canonica dicitur ex eo, quod per *Canones* instituta fuerit: vocatur *Justitia*, non solum, quia justè debita est; sed etiam, quia funera, quorum illa est portio, *justa* nuncupantur apud Veteres: comparatur *Falcidæ*, quæ est quarta debita Patri super Legatis ab eius Filio factis; comparatio justa est; nam Portio Canonica est quarta, quæ deducitur ex Legatis Piis, factis ratione aut occasione Sepultura; Parochiani autem sunt Filii Spirituales Curati, & cùm causa hujus *quartæ* pia sit, ea deducitur à Legatis Piis à *quartâ Falcidiâ* immunibus, ob rationem contrariam. Inter Ecclesias, quæ jus habent sepeendi, quedam immunes sunt à solutione *quartæ*, sive ex Privilegio, sive ex Præscriptione, sive ex Consuetudine; hujus beneficio, Parochiæ eam non solvunt, ob Mortuos qui Sepulturam in eorum Ecclesiis eligunt, vel ideo, quod sui Majores in eis sepulti sint; vel aliquius devotionis particularis ratione. Post Concilii Tridentini promulgationem, nullum Monasterium, quod anteà *quartam à 40 annis* solvebat, impetrare vallet privilegium eam non solvendi; sed ejus exemptionem acquirere potuerunt per præscriptionem; sibi præ privilegio Concilium derogat *Cap. 12. Sess. XXV. de Reform.*

Sunt Ecclesiæ Cathedrales, quæ fruuntur jure percipiendi quartam funerariam in Parochiarum prædicium; sive quia jus hoc præscripterunt; sive quia illud sibi reservaverunt in erectione Parochiarum. Omnes hæc observationes defumptæ sunt à *GONZALE in Cap. 8. de Sept.* qui etiam docet, quod si aliquis Sepulturam extrâ Parochiam suam eligat, atque extrâ locum tumuli Majorum suorum, huic Ecclesiæ non solvit quarta, sed Parochiæ Defuncti; quod nascitur ex eo, quod Ecclesia recens electa, succedit oneri Ecclesiæ, in quâ Majores sepulti sunt, quæ cùm deberet quartam huic Parochiæ, alia eam quoque illi debet.

OBSERVATIONES in CAP. X. de VOTO & JUREJURANDO.

Unicum est verbum circâ *Jusjurandum*, nempe, hoc vel illicitum est, vel coactum, & ab utroque impetrari potest Dispensatio, nisi servari possit absque Salutis Æternæ dispendio. Pauci hæc non sunt accurata; nam, cùm *Jusjurandum nullum* est, non obligat; & tale est, cùm adversatur Legi Dei, aut Legi Humanæ, qua annihilat Contrahendum, qui per *Jusjurandum* confirmatur; Legis prohibitione contemptu. Id ostendemus in *expositione DECALOGI per Canones*.

Quoad *Votum*, Autor omisit ejus Definitionem, & Divisiones necessarias ad intelligentiam Doctrinæ sua. Complectitur in *Regula I.* junctis Exceptionibus XXIII. & aliquot Replicationibus, id, quod Jus dicit de vinculo Voti; unde caligo potius, quam lux nascitur. Dicere debuisset, Votum esse Sponsionem, vel Donacionem actualem Deo factam, cum maturâ deliberatione, aliqui rei, cuius Vovens liberam dispositionem habet. Enucleando hanc Definitionem, inferuisset quidquid sub Exceptionibus collocat, aut collocare potuisse; indè enim sequitur, eum, qui est infra statim discretionis, vovere non posse; eum, qui est in alienâ potestate v. gr. Filium-familias, Servum, Monachum, Uxorem, vovere non posse, sine consensu eorum, quibus subjacent: idem est quoad eos, qui bonorum aut personæ, aut actionum suarum liberam non habent dispositionem, qui Voto obli-

Tom. I.

gare nequeunt, nec bona, nec personam nec actiones. Unde fit, ut Persona suprà memoratæ excludantur etiam à jure vovendi aliquam ex his tribus rebus; ut Conjuges nequeant vovere continentiam, nisi ex mutuo consensi, neque peregrinationem Matrimonii juribus obstantem; ut idem sit de Episcopo, de Abate, qui diutius abesse non valentes, quin Gregi suo noceant, non possint longiora vovere itinera. His præmissis, facile erit ad alias Exceptiones producere id, quod de præfatis dictum est.

Qui de Voto differunt, loqui solent prolixè de potestate illud irritandi, quæ ad Superiorem pertinet, quoad ejus Subditos, & de potestate dispensandi; quæ communis est Episcopo & Pontifici: agunt etiam de jure vovendi Filios ad servitium Divinum, sive in Statu Religioso, sive in Clericatu, quod olim habuerunt Patres: dividunt Votum in Personale & Reale: hoc, Bonum; illud, Personam affectat: Reale, ad Hæredes transit. Hoc est fundamentum *Regule II.*

Distingunt Votum *simplex* à Voto *solemni*: per hoc, Persona se Domino actualiter tradit: simplex, est mera sponsio; undè fit, ut, si post simplex continentia Votum, persona nupserit, cessat Votum, quia Donatio, quæ fit in Matrimonio, prævalet Sponsioni, quæ fit per Votum simplex; si vero solemnia Vota fecerit, subsequens Matrimonium nullum est, quia Donatio anterior vincit subsequentem. His principiis innititur *Reg. III.* quæ dicit, rem de votam esse in potestate Voventis, donec Votum perfectum sit: nam promissio non exiit dominio rei. *Reg. IV.* malè concipitur; namque insinuat, malum esse non vovere; Votum autem est merè voluntarium, sed ejus executio necessaria est, vovere voluntatis, implere necessitatis. Dicendum erat, malum magnum esse non implere Votum suum; sed nullum esse non vovere.

OBSERVATIONES in CAP. XI. de SPONSALIBUS, quo verbo significantur AFFIDATIO, vel DESPENSATIO, que inter Christianos nihil aliud est, quam Celebratio Matrimonii.

Nullum est Sacramentum, neque Argumentum speciale, circâ quod Autor diffusor sit; nam *Capita XII.* insinuat, quorum unumquodque dividitur in plures Quæstiones: sed quamvis loquatur de Sacramento, nihil tamen dicit, quod proprius respiciat Sacramentum, ejus Materiam, Formam, Ministrum ejus effectus sive speciales, sive communes cum aliis Sacramentis Vivorum: si forte de aliquâ ex his rebus sermonem faciat, semper omitti observare, ad quid pertineant, magnam enumerationem aggreditur eorum, quæ pertinent ad Contractum. Sed ejus Methodus res clariores obnubilat, congerendo Exceptiones super Exceptiones, sapè Replicationibus Duplicationibus, Triplicationibus, Quadruplicationibus, stipatas. Hujus caliginis exemplum sensibile occurrit hoc in Capite, quod Affidationem & Desponsationem continet. Id ostendemus, postquam observaverimus, Autorem *Caput* hoc inscribere debuisse de *Matrimonio*: id requirebat consilium, quod in fronte collocavit, quippe, se locutum dicit de Matrimonio contrahendo, de contracto, de Matrimonio dissolvendo, de dissoluto, de secundis Nuptiis, denique de Concubinis. Hinc naturaliter ad Sponsalia descendebat, quæ dixisset nihil aliud esse, quam exordium Matrimonii contrahendi, cùm aliud non sint, quam Nuptiarum futurarum reppromissio.

Observare etiam juvat, eum separare debuisse, quod hanc præcisè Sponsionem respicit, ab eis, quæ ad ejus Consummationem pertinent, quæ sunt Desponsatio, quâ Matrimonium contrahitur; quâ in re secutus fuisset Compilatores *Decretalium*, qui Sponsalia distinxerunt à Matrimonio in *Inscriptione*

Ff

Tituli

Tituli I. Lib. IV. circà solum Matrimonium versantis: sic, eum conceperunt de *Sponsalibus*, & *Matrimonio*; hac distinctione expressa significantes, se prius verbum *Sponsalia*, accipere pro mera promissione, sicut verbum *Matrimonium*, pro Contratu Nuptiarum.

Denique observandum est, Sponsalium Divisionem, in *Sponsalia de Præsentis*, & *Sponsalia de Futuro*, non esse accuratam: nam verbum *Spondere*, à quo *Sponsalia*, significat promittere; promissio autem semper respicit futurum, in quo differt ab aliis Costrictibus, qui tradunt actualiter id, quod eorum materia est; è quodrum numero est *Matrimonium*: itaque, convenienter appellari nequit *Sponsalia de præsenti*; nam hæc expressio contradictionem involvit, cùm significet, Partes, se promittere, & tradere se simul eodem tempore: porrò si sit *Donatio*, non est Promissio, & si sit Promissio, non est *Donatio*. Quod observavimus circà verbum *Sponsalia*, locum habet quoque erga verbum *Sponsa*, quod significat *Promissam*, & *Uxorem*: *Promissam*, si jungantur verbis *de futuro*: *Uxorem*, si adjiciantur verbis *de præsenti*. Confusio hac orta esse videtur ex eo, quod antequam *Matrimonium* foret *Sacramentum*, Partes vocabantur *Sponsus* & *Sponsa*, usque ad consummationem, & pactum aliquando siebat per verba, quæ tempus præsens significabant, & tunc erant *Sponsus* & *Sponsa de præsenti*; interdum per verba, quæ futurum significabant, & hoc in casu erant *Sponsi de futuro*: deinceps, *Matrimonio* ad *Sacramenti* dignitatem evecto, eadem locutio conservata fuit; quamvis *Matrimonium* fieret cum *Ceremoniis Sacris*, quæ non adhibebantur in *Sponsalibus*. Sic exponendum est id, quod Autor dicit in *Quæst. III.* Canones usurpare verba hæc, *Sponsalia* & *Nuptias*, velut *Synomina* & *probationes*, quas è *Gratiiano* desumit, & quæ ostendunt, *Sponsos* vocari Conjuges ante consummationem, sive conventione per verba de *præsenti*, sive per verba de *futuro* initia sit.

His observatis; jam ad promissum exemplum devenimus: illud est in *Quarta*, quæ loquitur de causa *Sponsaliorum*. Posteaquam Autor dixit, consensum esse *Sponsalium*, sicut & *Matrimonii*, substantiam, sed non omnem consensum sufficere ad hunc effectum; exponit id, quod respicit consensum per *Exceptiones XI.* & in *Primâ*, sumptu ex eo quod Personæ prohibeant contrahere inter se *Sponsalia* & *Matrimonium*, congerit *Replicationes Duplicaciones*, *Tripli-cationes*, *Quadriplications*, sine quibus Argumentum luculententer exponere potuisset, statuendo pro Principio ac Regulâ, 1. *Sponsalia* cum *Matrimonio* convenire in omnibus, excepto quod siebant post septem annos completos, *Matrimonium* requirit Duodecim annos completos in *Puellis*, & Quatuordecim in *Masculis*. 2. *Sponsalia* sub conditione fieri possunt, medo hæc non sit contraria substantia *Matrimonii*, & conditio suspedit conventionem, ita, ut hæc corrueat, si conditio non impleatur; nulla autem est conditio, quæ *Matrimonium* suspendat, & si apponantur, vel *Matrimonium* est nullum, v. gr. cum conditio ejus substantia contraria est; vel habentur pro non appositis.

3. *Sponsalia* fieri possunt ad tempus determinatum, quo elapsi, evanescit obligatio. Multa olim fuere *Loca*, in quibus 40. diebus duntaxat constiterent. Hodie in Galliis annua sunt tantum, *Matrimonium* ex natura sua perpetuum est.

4. *Sponsalia* dissolutioni obnoxia sunt, non solum per conditionis defectum, & temporis lapsum, sed etiam 1. per Impedimentum subsequens. Puta Affinitatem, Cognationem Spiritualem, Impotentiam. 2. Per Fornicationem. 3. Lepram, 4. Paralysem. 5. Disformatatem. 6. *Matrimonium* subsequens cum aliis Personis. 7. Votum simplex. 8. Receptionem Ordinis Sacri. 9. Consensum reciprocum. 10. Mutationem voluntatis in una ex Partibus. Porrò *Matrimonium* semper indissolubile est, quilibet sequatur eventus.

5. Hodie compelli non possunt *Affidati*, ad implendam *Sponsalium* obligationem: sunt autem viæ quibus Conjugati cogantur ad implendam obligationem reciprocum.

6. Post Concilium *Tridentinum*, Impedimentum honestatis publica è *Sponsalibus* proveniens, ad primum gradum contractum est; & ea, quæ nulla sunt, undecimque nascuntur nullitas, non operantur hoc Impedimentum: nihil autem in *Matrimonio* immutatum fuit, quoad hæc Duo Capita.

7. Unicus Testis ad *Sponsalium* dissolutionem sufficit; duo requiruntur quoad *Matrimonium*.

8. In priore Casu, per viam denunciationis; in posteriore, per viam accusationis proceditur.

Nihil est in Exceptionibus & earum sequelâ, *Sponsalibus* peculiare, quod non reperiatur in prædictis dñicribinibus: cætera communia sunt *Nuptiis* & *Sponsalibus*. Tales sunt v. gr. nullitates, quæ proveniunt vel ex defectu ætatis, vel ex defectu libertatis in consensu; & ratihabitio, quæ fit per consensum subsequenter, ætatem, & *Sponsalia*, aut *Matrimonium*. Causæ, quæ privant libertate necessariâ ad *Matrimonium*, admittunt eam, quæ requiritur ad *Sponsalia*; nempe vis, & seductio; illa ad utrumque vinculum recuperatur iisdem viis, quæ sunt cessatio harum causarum: idem remedium in utroque casu adhibetur, nempe, sequestratio Partium, quæ periculo seductionis aut coactionis subjacent. Eadem Impedimenta, exceptâ ætate, cædem Regulæ, Canones & Leges: Idem Jūdex Ecclesiasticus aut Secularis pro qualitate materiæ. Ratio harum similitudinum est evidens; nam *Sponsalia* sunt *Matrimonium* inchoatum; & *Matrimonium*, *Sponsalia* completa. Ceterum id, quod hucusque de *Sponsalibus* diximus occasione *Compilationis Autoris* hoc in Capite, adeo scitu necessarium est, ut sufficienter edisci nequeat id, quod ad ea pertinet, ab eis, quæ non reperiuntur in quibus agit seorsim de *Matrimonio*.

REGULÆ Questionis V. quæ est circâ Usus & Poenæ *Sponsalium*, parum utiles sunt: nam *Excommunicatio triennalis*, de quâ loquitur *Reg. II.* abrogata est. *Actio contrâ Personam*, quæ *Sponsalia* perficere resusat, hodie resolvitur in id, quod interest.

OBSERVATIONES in CAP. XII. de NUPTIIS, sæc de MATRIMONIO.

Dividitur in *Questiones VI.* versantes circâ Definitiōnem, Etymologiam, Divisionem, Finem, Ufum & Dignitatem *Matrimonii*, Opposita, Eventus & Consectaria; ubi agitur, de Solemnitatibus, de Effectibus, & Poenis. *Regule* in singulas indicant solum Textus Argumento affines.

Loquendo de Etymologiâ Nominum *Matrimonio* impositorum, omittitur Etymologia *Conjugii*, desumpta ex *jugo* Partibus communi.

Prima Divisio falsa est; nam *Matrimonium Inchoatum* nihil aliud est, quam *Affidatio*, quæ est solum via, quâ pervenitur ad *Matrimonium*; *Nuptia* consistunt in Desponsatione, quæ vocatur *Matrimonium ratum*, seu *completum* & *stable*.

Secunda Divisio expositione indiget; *Matrimonium Ratum* & *Legitimum* illud est, quod *Canonibus* & *Legibus* congruit. *Matrimonium Ratum* & non *Legitimum* illud est, quod secundum *Canones*, non vero secundum *Leges* est. Hæc duo Membra respiciunt solum Christianorum *Matrimonia*, quæ ut valida sint, *Canonibus* & *Legibus* conformari debent in eis, quæ substantia sunt. Ipsorum contrarietas cum alterutri *Regulâ* circâ Accidentalia, eorum validitati non obstat; unde fit, ut plura *Matrimonia Sacros effectus habeant* & *ca-reant effectibus Civilibus*, qui respiciunt *Conventions*

Matri-